

A CHATIMÆA *Sabinianus* in dicto Conciliab. Sardicensi legitur.
 CIANVS *Hediscus* Episcopus habetur in Concilio Constant. sub Agape-
 to & Menna; à Cia seu Ceo vt arbitror Insula, quam Strabo lib. 10. in mari
 Ægeo constituit.

CILINENSIS alias Pylarum *Cyrillus* subscripsit Concil. Ephes. actione 6.
 CRVSÆ Episcopus *Petrus* Concilio Ephesino interfuit; Est autem Cru-
 sa apud Plinium lib. 5. cap. 31. Insula Doridis in sinu Ceramico.

D

DIOCLEÆ *Euander* Episcopus Concilio Chalcedonensi subscripsit: à
 Dioclia vt puto Phrygiæ, vrbe Ptolem. lib. 5. cap. 2.

A DORLANI *Eusebius* Antistes est in Conciliab. Sardicensi.

E

EPALANVS alias Epulenus *Parthenius* Episcopus nominatur in Conci-
 lio Hierosolymitano sub Agapeto & Menna.

EVASORVM Episcopus *Eutropius* Concil. Ephes. subscripsit; ab Euasa
 Asiæ vrbe in Notit. Hieroclis, quam eandem cum Augaza puto.

EVLANDRÆ Episcopus *Mirus* est in Concilio Chalcedonensi.

F

FLAVONENSIS Antistes *Paulus* Concilio Ephes. inter Episcopos Æ-
 gypti subscripsit, forte pro Flagonensis.

G

GAIOPOLIS Episcopus *Stephanus* in Concil. Ephes. actione 6. legitur;
 forsan à Gæapoli quæ Ammiano Marcell. lib. 23. vrbs est Arabiæ.

GERVNTIS Episcopus *Stephanus* in Concil. Chalcedon. dicitur, à Geron-
 ta forte oppido Armeniæ Curopalati, vel certe à Gerunte vrbe quam Po-
 lybius habet in Macedonia, & quam Geranum locum vocat Strabo lib. 3.

GILSATENVS *Neon* Episcopus ex Pamphilia dicitur in Epistola Synod.
 huius Prouinciæ ad Leonem Imperatorem.

GINDARENSIS Syriæ *Petrus* Episcopus in Concil. Nicæno dicitur: à
 Gindara vt puto, seu Gindaro Syriæ vrbe quam Strabo lib. 17. arcem Cyr-
 resticæ regionis vocat.

H

HIRCANORVM Ciuitatis Episcopus *Ioannes* in Concil. Chalcedo-
 nensi legitur, ab Hyrcania, vt puto, totius Hyrcaniæ regionis Metro-
 poli, Ptol. lib. 6. cap. 9.

I

INGILON Episcopus *Theodorus* est in Concil. Constantinop. Generali 5.
 Ab IVRITO Episcopus *Macedonius* Conciliabulo Sardicensi sub-
 scripsit.

L

LÆRI *Ioannes* Episcopus habetur in Concil. Constantinop. 5. à Læro, vt
 arbitror, Insula maris Ægæi de qua Strabo lib. 10.

LAMPHANIA Antistes *Gerontius* Conciliab. Sardicensi interfuit.

A LISIA Episcopus *Eugenius* est in dicto Conciliab. Sardicensi.

A LVETO Episcopus *Isaac* legitur in eodem Conciliab. Sardicensi.

M

MACEDONOPOLIS Mesopotamiæ vrbs Episcopus *Marinus* est in
 Concilio Nicæno.